



CH-7144 Vella, fenadur 2021

Novitads dalla suprastonza communal Lumnezia

La suprastonza communal Lumnezia ha approbau las suandontas fatschentas

Surdadas incaricas da lavur

1. Illuminaziun da vias communalas Cumbel e Vignogn
 - Installaziuns illuminaziuns vias; Repower AG, Via Santeri, 74, Glion
2. Piogn da Scups sur il Glogn denter Nussaus e Surin
 - Construcziun dalla punt; Steinmändli GmbH, Am Rain, 7224 Putz
3. Manteniment Via Summaplaunca, Lumbrein
 - Lavurs d'impressari; Valaula Berni SA, Via Principala 35, 7156 Rueun
4. Manteniment Via Cuschias, Morissen – Triel, Vella
 - Lavurs d'impressari; Valaula Berni SA, Via Principala 35, 7156 Rueun

Vendita dil condomini nr. S50043, vid il baghetg nr. 3-46 sin parcella nr. 878 a Surcasti

Decisiun da ceder l'unitad da condomini nr. S50043 dalla vischnaunca da Lumnezia, cumproprietad da 124/1000 vid il baghetg nr. 3-46 sin parcella nr. 878 a Surcasti, alla Societad da seneria Surcasti.

Structuras supplementaras da famiglia, La Cumbiniala

Approbaziun dil project per baghegiar entuorn la habitaziun ell'emprema alzada dall'anteriura casa dil miedi a Sumsiaras 6-117B, Vella, per diever dalla canorta d'affons e concessiun dil credit.

Provediment d'aua Lumbrein-Vitg, regulaziun dall'aua denter las tschaffadas ed il reservuar niev a Lumbrein

Decisiun da schar regular l'aua denter las tschaffadas Gargatauna ed il reservuar niev a Lumbrein e concessiun d'ina contribuziun finanziaria per installar il pilotadi.

Approbaziun dil project d'exposiziun pil conduct dil reservuar e la reit dil vitg.

Staziuns da cargar e-bikes

Decisiun d'installar staziuns da cargar e-bikes a Suraua, Cumbel e Vella.

Construcziun d'ina seiv da gatter per protecziun encunter curdadas da crappa sin ina part digl areal sin parcella nr. 8035 a Davos Munts, Vattiz el vischinadi da Degen

Tenor plan da zonas valeivel sesanfla la part digl areal dadens il dutg che traversescha il plaz enteifer la zona da prighel ault (tgietschen). Ella revisiun dallas zonas da prighel approbada dalla cuminonza da votants all'urna ils 21 da zercladur 2020 ei ina part vegnida attribuida alla zona cun pauc prighel (blau), suenter ch'igl ei vegniu construì in rempar dalla vart sura enviars la plaunca, che duei retener crappa che rocla dalla plaunca giu.

Las lavurs ein vegnidas surdadas alla fatschenta Gartehag Hardegger GmbH, Zeughausstr. 8, 7208 Malans.

Sustegns finansials

Decisiun da midar il sistem per tractar damondas da contribuziuns che vegnan inoltradas alla vischnaunca. Il niev sistem va en vigur igl 01. da schaner 2022. Ina publicaziun corrispundenta vegn fatga el decuors digl atun 2021 el Fegl official dalla Surselva e silla pagina d'internet dalla vischnaunca Lumnezia. Uniuns e gruppaziuns d'interess vegnan contactadas directamein ed informadas en detagl.

Contribuziuns concedidas il secund quartal 2021:

- Alla Scola da skis e snowboard Lumenzia; participaziun als cuosts per tschentar TOI TOI's sper la piazza da glatscha durant la stagiun d'unviern per motiv che las ustrias eran serradas pervia dalla pandemia da corona.
- A Monte Film per la producziun d'in film sur dalla historia da vischnauncas pintgas (Zwerggemeinden), sco ei deva biaras avon las fusiuns.
- Sybille Mani, Mustér; per la publicaziun dil cudisch "Fabulus guid cultural – Sagenhafter Wanderführer Surselva"
- Compagnia SuperGiû Teatro; per il toc "Ina Emilie Kempin-Spyri. Tuttas Emilie"
- All'Uniun Ir novas vias per l'organisaziun dalla fiasta da bulius, ils 24 e 25 da settember 2021 a Cumbel.

Rendaquens finals

Approbaziun dils rendaquens finals per il suandonts projects

- Lavurs da cuvrida Via Sum Vitg, Lumbrein
- Lavurs da cuvrida Via Dacla, Tersnaus (Suraua)

Conclus dalla radunonza communal Lumnezia dils 23 d'avrel 2021

- Elecziuns ella cumissiun da baghegiar: Alexa Cavegn e Gian Peider Casanova, omisdus da Vella
- Approbaziun dil project per il manteniment dalla via da meglieraziun Spezembien (Frust Grond) el vischinadi da Vrin
- Approbaziun da rendaquens finals
 - Sanaziun via da funs Schlareins – Bars (Lumbrein / Vignogn)
 - Sanaziun via d'uaul Tersnaus – spartgida Cunscharola (Tschamiu)
 - Sanaziun via communal Sogn Roc – Trutg / Sur Mulins, Vella

Conclus dalla radunonza communal Lumnezia dils 18 da zercladur 2021

- Approbaziun dil rapport e quen annual 2020
- Naturalisaziun dad Anne-Louise Joël, oriunda dil Danemarc, sesenta a Vella
- Revisiun parziala dalla planisaziun locala, dalla vischnaunca Lumnezia, midada digl art. 45 dalla lescha da baghegiar per la vischnaunca Lumnezia (senza Vrin), plan da zonas Cumbel, Porclas
- Approbaziun dil project d'exposiziun pil provediment d'aua Lumbrein Vitg conduct dil reservuar e la reit dil vitg
- Approbaziun dil project; parcadi, tualetta publica cun suosta da spetga e kiosk sin parcella nr. 9871 a Parvalsauns, Vrin e suosta per l'alp da cauras a Parvalsauns
- Approbaziun da rendaquens finals
 - Avertura dil quartier Bual Vella, 2. etappa (via da quartier, lingias d'aua e canalisaziun e parcadis)
 - Project per baghegiar ora e colligiar la senda Bikemarathon

Termins radunonzas communalas Lumnezia 2021

01 d'october 2021

17 da december 2021